

("Službeni glasnik BiH", broj: 46/19)

Na osnovu člana 205. Zakona o osnovama sigurnosti prometa na cestama u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17, 9/18), zamjenik ministra komunikacija i prometa Bosne i Hercegovine donosi

NAREDBU

O HOMOLOGACIJI MATERIJALA UPOTRIJEBLJENIH U KONSTRUKCIJI ENTERIJERA ODREĐENIH KATEGORIJA MOTORNIH VOZILA U ODNOSU NA NJIHOVO PONAŠANJE PRI GORENJU I SPOSOBNOSTI DA SE ODUPRU GORIVU ILI MAZIVU

I - PODRUČJE PRIMJENE

Član 1.

Vozila kategorije M₃, klase II i III, u pogledu ponašanja pri gorenju i/ili sposobnosti da se odupru gorivu ili mazivu komponente korištene u konstrukciji unutrašnjosti prostora predviđenog za smještaj putnika, vozača i posade, motornog prostora i bilo kojeg odvojenog prostora za smještaj grijača koji radi na principu sagorjevanja moraju biti homologizirana u skladu sa ovom naredbom.

II - ZAHTJEVI

Član 2.

Jednoobrazni uvjeti za motorna vozila i dijelove iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologiziranim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopćenja o homologaciji, izgled homologacijske oznake i obrazac saopćenja o homologaciji dati su u Jednoobraznim propisima koji se odnose na homologaciju materijala upotrebljenih u konstrukciji enterijera određenih kategorija motornih vozila u odnosu na njihovo ponašanje pri gorenju i sposobnosti da se odupru gorivu ili mazivu (Pravilnik broj 118 Ekonomske komisije za Evropu Organizacije ujedinjenih naroda, u daljnjem tekstu: UNECE pravilnik br. 118), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišteni na vozilima sa točkovima i uvjetima za uzajamno priznavanje dodijeljenih homologacija na osnovu ovih propisa.

UNECE pravilnik br. 118 u izvornom obliku (na engleskom jeziku) dostupan je u Ministarstvu komunikacija i prometa Bosne i Hercegovine, odnosno kod administrativnog tijela za poslove homologacije vozila i dijelova.

III - HOMOLOGACIJA I ISPITIVANJE

Član 3.

Homologacija motornih vozila i dijelova iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja motornih vozila i dijelova iz člana 1. ove naredbe može provoditi samo laboratorija koju je ovlastilo Ministarstvo komunikacija i prometa Bosne i Hercegovine.

IV - PROVJERA USKLAĐENOSTI

Član 4.

Provjera usklađenosti vozila i dijelova sa zahtjevima ove naredbe provodi se prema postupku koji je definiran zakonskim i podzakonskim propisima kojima se uređuje homologacija vozila.

Pri provjeri usklađenosti tipa vozila i dijelova, novoproducentnih i korišćenih vozila, prihvatat će se homologacije dodijeljene u skladu sa serijom (serijama) izmjena i dopuna UNECE pravilnika br. 118 prema zakonskim i podzakonskim propisima i međunarodnim ugovorima kojima se uređuje homologacija vozila.

V - PRIMJENA

Član 5.

Ova naredba stupa na snagu osmog dana od dana objavljivanja u "Službenom glasniku BiH".

Broj 02-05-02-2-1707/19

4. juna 2019. godine

Sarajevo

Zamjenik ministra

Saša Dalipagić, s. r.